



ENGLISH TEXT BELOW

MAANDELIKSE NUUSBRIEF: DESEMBER 12.1 2023

HIERDIE NUUSBRIEF WORD AAN U GERIG AS LID VAN DIE HOËVELD SINDIKASIE AKSIEGROEP (“HSAG”) OP GROND VAN U BELEGGING IN DIE HOËVELD SINDIKASIEMAATSKAPPYE 15-22 EN/OF U ONDERSTEUNING VAN DIE HSAG.

HIERDIE E-POS IS VERTROULIK EN UITSLUITLIK VIR DIE GEADRESSEERDE BEDOEL. As u dit per ongeluk / verkeerdlik ontvang het, stel asseblief die versender onmiddellik in kennis by hsagenquiries@gmail.com en vernietig dit. U mag nie 'n e-pos, of enige deel daarvan, wat foutiewelik ontvang aan enigiemand anders stuur, kopieer of openbaar nie. HSAG se webmeester gebruik antivirusprogrammatuur om virusse en ander kwaadwillige kodes te voorkom. Hierdie sagteware kan egter nie so 'n kode altyd voorkom of uitwis nie. Die HSAG of sy verteenwoordigers sal nie aanspreeklik wees vir enige verlies of skade wat voortspruit uit ontvangs of gebruik van hierdie e-pos of andersins, of dit voortspruit uit die nalatigheid van HSAG, sy lede, bestuurskomitee en agente of andersins nie.

ALHOEWEL E-POSSE, HSAG NUUSFLITSE EN HSAG INLIGTINGSBROKKIES VAN TYD TOT TYD UITGESTUUR WORD, IS DIE WWW.HSACTION.CO.ZA WEBTUISTE DIE PRIMÊRE PLEK WAAR U HSAG INLIGTING, ONDERHEWIG AAN DIE VRYWARING DAARIN VERVAT (EN OOK HIEROP VAN TOEPASSING) KAN BEKOM.

Die verpligting rus op u as HSAG lid om ons op hoogte van enige onakkurate inligting of enige veranderinge van u persoonlike en/of kontakbesonderhede asook dat die inhoud van u maandelikse state korrek is.

HSAG AMPTELIKE NUUSBRIEF – INHOUDSOPGAWE

- 1 INLEIDING
- 2 EX GRATIA JAAREIND FEESTYDBYDRAE
- 3 MONEYWEB ONDERHOUD
- 4 JOU WAARDE
- 5 BELANGRIK: GEBRUIK VAN KORREKTE REKENINGNOMMERS EN VERWYSINGS
- 6 ALGEMENE NAVRAE
- 7 BELANGRIK: GEBRUIK VAN KORREKTE E-POS ADRESSE
- 8 BELANGRIKE ALGEMENE TERME EN VOORWAARDES

KERSFEES EN FEESTYD BOODSKAP

Soos ons hierdie vreugdevolle tyd van die jaar nader, en die gees van eenheid en samehorigheid omhels, rig ons hartlike wense aan al ons Christenlede, sowel as lede van verskillende denominasies. In die gees van die seisoen, mag hierdie feestyd gevul wees met vrede, vreugde en welwillendheid, wat grense oorskry en ons diversiteit vier. Laat ons die essensie van begrip, respek en deernis koester terwyl ons bymekaar kom, verenig in die soeke na geregtigheid en regverdigheid. Mag julle huise met geluk versier wees, julle harte vol liefde wees, en julle lewens geseënd wees met hoop. Ons wens julle almal 'n vreugdevolle en onvergeetlike feestyd toe. Neem asseblief kennis dat die kantore van die HSAG-regspan vanaf 14 DESEMBER 2023 tot 9 JANUARIE 2024 gesluit sal wees.

1 INLEIDING

In hierdie maand se nuusbrief kyk ons terug na die reis wat ons tot dusver saam onderneem het, deur die kompleksiteite en uitdagings van die klasaksie teen wyle Mnr Nic Georgiou, sy seuns en ander Respondente in die Hoëveld Sindikasie 15-22 maatskappye in die gesig te staar. Sedert 2014 het ons toegewyde regspan onvermoeid die duisende beleggers wat hul lewens-spaargeld in die mislukte HS-beleggingskemas verloor het, verteenwoordig.

Die pad was lank, met bejaarde beleggers wat ondanks finansiële nood daarin geslaag het om miljarde te eis wat in die mislukte skemas, gedryf deur Mnr Georgiou en later onder toesig van Hans Klopper en ander, verlore gegaan het. Ten spyte van dié groot struikelblokke, lê ons krag in die ondersteuning wat ons van ons lede ontvang het, wat bewys dat ons befondsingsmodel kan slaag, maar slegs wanneer lede saamstaan vir hul gemeenskaplike saak.

Terwyl ons gereed maak vir belangrike hofdatums vroeg in 2024, staar ons die finansiële realiteite van die handhawing van ons regstryd in die gesig. Een van ons eie lede, Mnr Francois Strauss, het 'n beroep op HSAG-lede gedoen vir 'n noodsaaklike jaareind-feestyd-bydrae, 'n *ex gratia* vrywillige en nominale skenking om ons krygskas te versterk. Hierdie fondse sal 'n deurslaggewende rol speel in die

voorbereiding vir die komende hofverrigtinge, insluitend die aansoek om die tersydestelling van die A155 Reëlingskema oor te dra, op 22 Januarie 2024, en die DECA-verhoor van 13-17 Mei 2024.

In 'n onlangse Moneyweb-onderhoud het Mnr Johan Stander, bestuurskomiteelid, insig verskaf in die voortgesette regsangeleenthede, met die klem op die verdragings wat veroorsaak word deur die teenkant se tussentydse aangeleenthede. Mnr Stander het die doeltreffendheid van ons befondsingsmodel, wat ook deur die Pretoriase Hooggeregshof goedgekeur is, herhaal en kommer oor die vertraging van litigasie vir wins aangespreek en beklemtoon dat alle opbetaalde lede welkom is om volledige state van ons prokureurs van hul bydraes te bekom.

In die gees van die seisoen deel ons 'n gedagte-prikkelende storie oor die herkenning van 'n mens se waarde. Soos die kosbare klip in die verhaal, koester die HSAG sy lede se lewens en welstand, en moedig die HSAG elke lid aan om die waarde in hul eie saak te sien. Ons glo in ons saak en bly daartoe verbind om dit deur te sien.

Dankie vir lede se volgehoue ondersteuning en toewyding. Saam, as 'n verenigde groep, sal ons voortgaan om hierdie uitdagende terrein te navigeer en na geregtigheid te streef.

2 EX GRATIA JAAREIND FEESTYDBYDRAE

Soos alle HSAG-lede bewus is, het die HSAG se enorme hofsake teen wyle Mnr Nic Georgiou, sy seuns en ander Respondente in 2014 begin, nadat duisende beleggers hul lewens-spaargeld in die mislukte Hoëveld Sindikasie 15-22 maatskappye verloor het. Mnr Georgiou was aanvanklik aan die stuur van die skema, waarna dit later die besigheidsreddingspraktisyn Hans Klopper was. Daarna het die aangewese Besigheidsreddingpraktisyn, Jacques du Toit, Georgiou se maatskappye, Orthotouch en Zephan, gedryf.

Nodeloos om te sê, was die pad tot dusver, lank en uitmergelend, soos verarmde, bejaarde beleggers duisende rande moes betaal om die verlore miljarde rande in die mislukte skemas, te verhaal. Een van die groot uitdagings wat die HSAG altyd gehad

het, was dat die teenkant HS-beleggers met hul eie miljarde rande se beleggings beveg het. Danksy die getroue ondersteuning wat ons egter oor al die jare deur aanvanklik duisende, en later slegs honderde beleggers ontvang het, is dit onomstootlik bewys dat die befondsingsmodel van die HSAG inderdaad suksesvol kan werk, maar slegs as sy lede mekaar bystaan ten einde die HSAG se doelstelling, soos hieronder uiteengesit, te bereik, naamlik:

Om die Hooggeregshof van Suid-Afrika te nader met 'n aansoek om bevele wat verloop aan die beleggers in die verskillende Hoëveld Sindikassie Maatskappye verleen, om klasaksies in te stel, namens Hoëveld Sindikassie 15 tot 22. Hierdie aansoeke word gebring deur 'n Kennisgewing van Mosie, en die doel is om beleggers wat in enige een of meer van die bogenoemde maatskappye belê het, as eisers te betrek.

Die hofsake word deur die HSAG gedryf, volgens 'n groepslede-befondsingsmodel, wat beteken dat elke lid tot die koste van die litigasie moet bydra. Tot dusver is lede versoek om 'n jaarlikse nominale bydrae aan die begin van elke kalenderjaar te betaal. Die bestuurskomitee werk baie nou met die regsman saam, ten einde te verseker dat die HSAG die beste moontlike regsverteenvoerding by die hof kry. As gevolg van verskeie faktore en gebeure egter, het die finansiële ondersteuning van die HSAG oor die jare afgeneem, en het dit van kardinale belang geword om meer en meer staat te maak op die goeie trou van die lede wat gewillig sowel as in staat is, om dit te doen. Dit het gelei tot een van die beleggers, wat ook 'n applikant en bestuurskomitee-lid is, om 'n beroep te doen op alle HSAG-lede vir hul ondersteuning hier aan die einde van die jaar.

Mnr Francois Strauss het onlangs 'n baie gepaste vergelyking op HSAG WhatsApp-groepe geplaas, waarin hy die beeld van 'n trop wolwe wat saam jag beskryf het, hoe hulle mekaar help, ondersteun en altyd saamwerk as 'n samehorige span. Dit verseker dat die trop as 'n geheel nie net kan oorleef nie, maar ook floreer.

Hy het HSAG-lede verder aangemoedig om soos hierdie trop saam te staan en te kies om voort te gaan om die HSAG se saak – lede se eie saak – te ondersteun.

Lede is gevra om 'n *ex gratia*-skenking van R 1 000 te maak, wat op hul state as sodanig sal reflekteer. Lede is versoek om vir hulself 'n spreekwoordelike feestyd-geskenk te gee in die vorm van 'n vrywillige, nominale finansiële betaling.

Hierdie fondse sal help om die HSAG se krygskas op te bou ter voorbereiding van ons hofdatums vroeg aanstaande jaar:

22 Januarie 2024: Aansoek om die tersydestelling van die A155-reëlingskema oor te dra

13-17 Mei 2024: Verhoor van die DECA-aangeleentheid vir sertifisering, insluitend die aanhoor van die befondsingsaansoek.

3 MONEYWEB ONDERHOUD

Op 23 November het Mnr Johan Stander, 'n HSAG-bestuurskomiteelid met Ryk van Niekerk op RSG Geldsake gesels en hom die nuutste stand van sake oor die DECA- en CCAF-aangeleenthede wat tans voor die verskillende hooggeregshowe is, meegedeel. Dit dien ook as 'n goeie opsomming van die werk wat die HSAG hierdie jaar gedoen het.

Hy het die rede vir ontstaan van die HSAG herhaal, wat gestig is nadat finansiële nood die Hoëveld Sindikasie 15-20 (HS)-skemas in die laat 2000's getref het, waarby sowat 18 300 beleggers en 'n totale belegging van R4,6 miljard betrokke was. Bewerings van grootskaalse bedrog het gelei tot die skepping van HSAG, wat 'n dekade later in 2014 'n klasaksie ingedien het.

Die sake tans voor die howe dien, is CCAF, DECA, die oorplasing van die tersydestelling van die A155 Reëlingskema, en die Likwidasië aangeleentheid.

Die CCAF-saak is die klasaksie wat gebaseer is op kontraktuele eise rakende terugkoop-ooreenkomste wat met Nic Georgiou en verwante entiteite aangegaan is. Mnr Stander het bevestig dat ons steeds wag op 'n hofdatum, nadat uitspraak in die verhoor van die verhoor van die 21B interlokutêre (tussentydse) aangeleentheid in

CCAF in September vanjaar gelewer was. Die HSAG het die amptelike insluiting van hierdie beleggers op grond van lyste soos verskaf deur Hans Klopper en Orthotouch, versoek. Die Georgious het 'n aansoek gebring om die 21B-lede, wat kontraktuele ooreenkomste vir terugbetaling gehad het, uit te sluit. Regter Tolmay het haar uitspraak gelewer en teen die insluiting van 21B beleggers in die gesertifiseerde klasaksie beslis.

Die DECA-aangeleentheid, wat die afgeleide klasaksie is, behels ongerymdhede en bedrog, en hofdatums is vasgestel vir 13 tot 17 Mei 2024. Die oorplasing van die tersydestelling van die A155 Reëlinskema is geskeduleer vir 22 Januarie 2024, waarna die HSAG vertrou om voort te kan gaan met die tersydestelling van die A155 Reëlinskema.

Mnr Stander het herhaal dat verdragings in die bogenoemde sake toegeskryf kan word aan die teenkant wat voortdurend poog om interlokutêre sake te bring om die aksie as geheel te verdrag. Verder het hy herhaal dat die befondsingsmodel soos tans in plek deur die Pretoriase Hooggeregshof goedgekeur is, en dat dit by aanvang daarvan tot vandag toe, die mees effektiewe manier is om die sake teen die teenkant te finansier, met elke lid wat sy eie rekening by die regsman se firma het. Lede moet ook onthou dat die teenkant alle sake met lede se eie beleggingsgeld beveg (en dat 'n redelike afleiding gemaak kan word dat hulle nie hulle dag in die hof sal wil hê nie).

Op 'n vraag of dit in die belang van die HSAG se regsman sal wees om die litigasie uit te rek en sodoende voordeel daaruit te trek, het Mnr Stander die absurditeit van hierdie opvatting uitgewys, aangesien die prokureurs so ver terug as 2019 reeds nie vir al hul fooie betaal was nie, omdat ledebydrae vir etlike jare agterstallig was, welke standpunt in 'n hofbevel vervat is. Die getal van 10% ondersteuning is genoem. Die HSAG kan nooit voortbestaan met sulke ondersteuning nie.

Die HSAG wil ook graag bevestig dat alle opbetaalde lede welkom is om ons prokureurskantore te kontak om 'n volledige staat te bekom van die opdragings wat hulle oor jare bygedra het.

4 JOU WAARDE

Aan die einde van 'n moeilike jaar, is dit baie maklik vir elkeen van ons om sig te verloor van wat ons waarde is en wat dit bydra tot ons eie en ander se lewens. Hierdie beginsel word sterk weerspieël in die doen en late van die HSAG. Oor jare was die HSAG se sake gelykgestel aan die Comrades-maraton, vir atlete wie nog nooit voorheen aan hierdie maraton deelgeneem het nie, aangesien klasaksies in Suid-Afrika in sy kinderskoene is.

Daar is geen handleiding oor hoe klasaksies gevoer moet word nie, en is bykans elke gebied daarin nuwe terrein. Daarbenewens word klasaksies gewoonlik gevoer teen groot multi-miljardrandse multi-nasionale maatskappye, terwyl ons klasaksie teen privaat individue met miljarde rande gevoer word. Daarom is die besef van elkeen se eie waarde, in ons saak, van uiterste belang, om hierdie groot saak suksesvol te kan voer, en was voorheen al genoem dat dit 'n wonderwerk is dat die HSAG nog nie ondergekry kon word, na bykans 'n dekade nie. Hieronder volg 'n eenvoudige maar treffende storie om die waarde van ons lede te verwoord.

Daar was eenmaal 'n jong seun wat na sy wyse pa gestap het en hom die vraag oor die waarde van sy lewe gevra het. Die wyse vader, eerder as om bloot 'n antwoord te gee, het die seun 'n waardevolle steen en 'n ongewone opdrag gegee.

Die pa het gesê dat die seun met die klip in sy hand dorp toe moes gaan. As iemand hom gevra het hoeveel die klip kos, hoef hy nie 'n prys te noem nie, maar net twee vingers in die lug te hou. Die seun het na sy pa se raad geluister en met sy belangstelling geprikkel na die dorp gegaan en die eksperiment uitgevoer.

Toe hy in die dorp aankom, het 'n nuuskierige vrou hom genader en gevra: "Hoeveel vra jy vir daardie pragtige klip?" Sonder om 'n woord te sê het die seun net twee vingers in die lug gewys. Die vrou het aangeneem dit was R2 en het dadelik ingestem om die klip vir daardie prys te koop. Die seun het haar nie van 'n ander prys probeer oortuig nie, maar het bloot haar aanbod aanvaar.

Toe hy terugkom na sy pa en deel wat gebeur het, het die wyse man hom aangemoedig om dieselfde proses op 'n ander plek – die museum – te herhaal. 'n Netjies geklede man by die museum het hom gevra: "Hoeveel vra jy vir daardie klip?" Weereens het die seun stilgebly en net twee vingers gewys. Die man het aangeneem dat dit R200 was en het dadelik ingestem om die klip vir daardie bedrag te koop.

Weereens het die seun na sy pa teruggekeer en van sy ervaring vertel. Hierdie keer het sy pa hom aangemoedig om na die juwelierswinkel te gaan en dieselfde metode te gebruik. Toe die eienaar van die juwelierswinkel die klip sien, het sy oë verlig van opgewondenheid. Hy het die seun gevra: "Hoeveel vra jy vir hierdie wonderlike klip?" Weereens het die seun net twee vingers gewys, sonder om 'n woord te sê. Dié keer het die eienaar met groot entoesiasme aanvaar dat die klip R200 000 werd is en dadelik daardie bedrag aangebied.

Opgewonde oor die onverwagte waarde van die klip het die seun na sy pa gehaas en hom vertel van die buitengewone aanbod van R200 000. Sy pa het hom toe op 'n wyse aangespreek: "Sien jy, my seun, dit weerspieël hoe mense die waarde interpreteer van dinge en selfs van onself. Jy het nie self die waarde van die klip bepaal nie, maar deur jou optrede en hoe jy dit aangebied het, het ander dit waardeer."

Die wyse vader het voortgegaan om sy seun 'n belangrike les te leer. Hy het gesê: "Net soos hierdie klip, is jou lewe ook waardevol. Daar gaan mense wees wat nie die waarde in jou sien nie, maar daar gaan ook diegene wees wat jou werklik liefhet en vir hulle beteken jy alles in die wêreld. Jy bepaal jou eie waarde deur hoe jy jouself aan die wêreld voorhou."

Hierdie verhaal herinner ons om nie net ons eie waarde te erken nie, maar ook om bewus te wees van hoe ons onself aan die wêreld voorhou. Dink ons almal nie soms oor die waarde van ons lewens nie? En tog, soos die wyse vader gesê het, lê daardie waarde nie net in die oë van ander nie, maar ook in die manier waarop ons dit aanbied en waardeer.

Die HSAG wil lede aanmoedig om die waarde in hul eie saak raak te sien, waarvoor die HSAG dapper veg en nie opgegee het nie. Lede moet self besluit wat die waarde

is wat hulle heg aan die stryd om hul geld terug te kry. Soos altyd glo die HSAG in hul saak en sal die saak tot die einde neem. Die wyse waarop die HSAG hul eie lede sien is soortgelyk aan 'n uitsonderlike klip, terwyl die Respondent dit as 'n blote, waardelose klippie sien.

Ons het al voorheen ons verbintenis belowe en waardeer almal wat die HSAG se siening van die waarde wat die lede het, deel.

5 BELANGRIK: GEBRUIK VAN KORREKTE REKENINGNOMMERS EN VERWYSINGS

HSAG lede wie in beide HSAG en CCAF is, moet asseblief by beide die HSAG en CCAF se e-pos-adresse enige verandering aanmeld, hetsy afsterwe van 'n lid, verandering van 'n e-pos-adres, selfoonnommer of woonadres.

Lede word daaraan herinner om te let op die verwysingsnommers soos vervat op hul state. Opvragings moet deur lede in die korrekte rekening inbetaal word met die korrekte verwysingsnommer daarby aangeheg. Die tyd, moeite en administrasie wat dit die HSAG se regspan kos om elke foutiewe betaling te korrigeer ly daartoe dat die HSAG saak onnodig duur word.

Rekeningnommers en verwysings word op elke staat aangebring en ons versoek dat lede asseblief hul state noukeurig deurgaans wanneer hulle betalings maak.

Indien jy jou bedrag in 'n verkeerde rekening inbetaal het, stuur 'n e-pos met 'n versoek om die bedrag na die korrekte rekening oor te dra, en onthou om jou bewys van betaling by die e-pos aan te heg.

Indien u die bedrag in bv. CCAF Trustrekening 3 inbetaal het, maar die bedrag was bedoel vir u HSAG Trustrekening 2, of anders om.

Betalings verkeerd in CCAF betaal, stuur e-pos na admin@ccaf.co.za.

Betalings verkeerd in HSAG betaal, stuur epos aan hsactiongroup@gmail.com

6 **ALGEMENE NAVRAE**

'n Navraag wat ons gereeld kry is aangaande oordrag van aandele, na 'n geliefde se afsterwe. Ons wil almal graag herinner dat dit deur Orthotouch gedoen word. Dit is die maatskappy wat die aandele se oordrag behartig en dit is eers ná ons 'n dokument, deur hulle uitgereik, wat aandui dat die aandele in 'n nuwe naam oorgedra is, ontvang het, wat ons dit op ons stelsel kan verander. Ons is ook bewus van die feit dat dit in besigheidsredding is – dit behoort egter geen impak op hul werksverrigting te hê nie een ons vra dat almal hulle op dié epos kontak: admin@orthotouch.co.za.

Oor jare het sommige mense se eise vermeerder tot 'n bedrag groter as die aanvanklike beleggings wat in die Hoëveld Sindikasie belê is, weens die feit dat hulle onder andere beleggings vanaf hulle ouers die geërf het. Lede moet baie seker maak dat hulle dokumente en sertifikate wat die oordrag bewys lewer, aangesien dit uiteindelik by die bewys van die verhoogte eisbedrag gaan nodig word. Op hierdie stadium aanvaar ons mense se waarde van hul belegging op grond van hul skriftelike bewyse.

Laastens, neem asseblief kennis dat indien geen betalings oor 'n lang tydperk deur u gemaak is nie, dit moontlik is dat vorige trustopvragings en betalings nie op die staat gereflekteer kan word nie.

7 **BELANGRIK: GEBRUIK VAN KORREKTE E-POS ADRESSE**

Die korrekte gebruik van e-pos adresse (soos vervat op ons webtuiste en e-posse) asook HSAG-lede se voorletters en van, sindikasienommers en verwysingsnommers (bv. identiteitsnommer ens.) vir alle kommunikasie, is uiters noodsaaklik en verpligtend. Versuiming om hieraan te voldoen kan die gevolg hê van onnodige vertraging of dat u geen antwoord sal ontvang nie.

Die amptelike en bestaande e-pos adresse vir die HSAG, is as volg:

- **hsactiongroup@gmail.com** vir alle Algemene Navrae (Bv – selfoon of adres veranderinge, betalingsbewyse, betalings foutiewelik in HSAG Trust Rek 2 betaal het, foutiewe verwysing gebruik het ensovoorts);
- **hsagenquiries@gmail.com** vir Spesifieke Navrae (Bv – navrae rakende besonderhede van 'n spesifieke belegger, navrae rakende kwytstelling van 'n spesifieke belegger, ensovoorts);
- **hsagregister@gmail.com** vir die Registrasie en Deregistrasie (indien 'n lid uit die klasaksie wil onttrek), sowel as kennis van lede wie gesterf het;
- **hsagwhistle@gmail.com** vir alle Vertroulike Inligting wat anoniem aan ons gestuur moet word;
- **hsagstates@gmail.com** vir alle Boedel navrae.

Die amptelike en bestaande e-pos adresse vir CCAF (gesertifiseerde HS 21 & 22 klas-aksie), is as volg:

- **accounts@ccaf.co.za** vir betalingsbewyse, foutiewe verwysing op betalings bewyse;
- **admin@ccaf.co.za** vir die amptelike versoek vir afbetaling-vorm, sowel as onttrekkings, betalings foutiewelik aan CCAF Trust Rek 3 , onttrekking uit CCAF;
- **enquiries@ccaf.co.za** vir ander CCAF navrae, bv. navrae oor state wat nie ontvang is nie.

Indien 'n belegger of enige persoon 'n epos na die verkeerde adres sou stuur sal dit daartoe lei dat daardie e-pos nie spoedig of enigsins die nodige aandag geniet nie. Indien u nie verder enige verdere e-posse wil ontvang nie, stel ons ook asseblief skriftelik in kennis daarvan.

8 BELANGRIKE ALGEMENE TERME EN VOORWAARDES

Die algemene en herhalende terme, voorwaardes en ander algemene inligting wat voorheen in die Nuusbrieff vervat was, word nou beskikbaar gestel op die

HSAG se webtuiste by www.hsaction.co.za en kan direk besigtig word by die volgende skakel: <http://hsaction.co.za/wp-content/uploads/2020/01/HSAGTsCs.pdf>

Die HSAG Bestuur wil iedere en elke lid alle voorspoed en sukses toewens met die afsienbare toekoms.

Vriendelike groete

HSAG-Bestuurskomitee

Kontak die HSAG en prokureurs by:

Tel: (021) 887 7877

hsactiongroup@gmail.com